

**სახელმწიფო შესყიდვების შესახებ
ხელშეკრულება #151**

ქ. ბათუმი

25 ივნისი, 2019 წელი

ერთის მხრივ, შპს „ბათუმის წყალი“ (შემდგომში – შემსყიდველი), წარმოდგენილი მისი გენერალური დირექტორის მარინე გვიანიძის სახით და მეორეს მხრივ, შპს „კვარი-2015“ (შემდგომში - მიმწოდებელი), წარმოდგენილი მისი დირექტორის თამაზ მოფინაძის სახით, საქართველოს მოქმედი კანონმდებლობისა და მიმწოდებლის სატენდერო წინადადების საფუძველზე, NAT190010459 აუქციონის გარეშე ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

მუხლი 1. შესყიდვის ობიექტი

- 1.1. შესყიდვის ობიექტს წარმოადგენს: საღებავი (CPV კოდი 44111400) (შემდგომში „საქონელი“), ხელშეკრულების პირობების, დანართი #1-ის შესაბამისად, რომელიც წარმოადგენს ამ ხელშეკრულების განუყოფელ ნაწილს;
- 1.2. შესყიდვის ობიექტის დეტალური აღწერა და პირობები მოცემულია სატენდერო დოკუმენტაციაში, რომელიც წარმოადგენს ამ ხელშეკრულების განუყოფელ ნაწილს;
- 1.3. შესყიდვის ობიექტის ტექნიკური პარამეტრები, რაოდენობა, ერთეულის ფასი და საერთო ღირებულება მოცემულია დანართი #1-ში, რომელიც წარმოადგენს ამ ხელშეკრულების განუყოფელ ნაწილს.

მუხლი 2. ხელშეკრულების ღირებულება

- 2.1. ხელშეკრულების ჯამური ღირებულება შეადგენს 16262,76 (თექვსმეტი ათას ორას სამოცდაორი ლარი და 76 თეთრი) ლარს, დღგ-ის გათვალისწინებით;
- 2.2. ხელშეკრულების ღირებულება მოიცავს ხელშეკრულებით გათვალისწინებული საქონლის მიწოდებასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ გადასახადებს, მათ შორის დღგ-ს.

მუხლი 3. საქონლის მიწოდების ვადა, ადგილი და ფორმა

- 3.1. მიმწოდებელმა უნდა უზრუნველყოს საქონლის მიწოდება ერთჯერადად, ხელშეკრულების დადებიდან 20 (ოცი) სამუშაო დღის განმავლობაში.
- 3.2. საქონლის მიწოდების ადგილი – შპს „ბათუმის წყალი“-ს მეჯინისწყლის სასაწყობე მეურნეობა.
- 3.3. მიმწოდებელი საკუთარი ხარჯებით უზრუნველყოფს მიწოდებული საქონლის გადმოტვირთვას და შემსყიდველის მიერ მითითებულ ადგილზე დასაწყობებას.

მუხლი 4. საქონლის მიღება-ჩაბარების წესი

- 4.1. საქონელი მიწოდებულად ჩაითვლება მხოლოდ კანონმდებლობით დადგენილი წესით განსაზღვრული მიღება-ჩაბარების აქტის გაფორმების შემდეგ, რომელიც

დადასტურდება მხარეების ან მათი წარმომადგენლების (უფლებამოსილი პირების) ხელმოწერით;

4.2. შემსყიდველის მხრიდან ხელშეკრულებით ნაკისრი ვალდებულებების შესრულების კონტროლს განახორციელებენ და მიწოდებული საქონლის მიღება-ჩაბარების აქტზე ხელმომწერ უფლებამოსილ პირებს წარმოადგენენ: შპს „ბათუმის წყალი“-ს წყალარინებისა და სანიაღვრე ქსელების სამსახურის უფროსი დავით ორაგველიძე; შპს „ბათუმის წყალი“-ს მატერიალური უზრუნველყოფის სამსახურის წამყვანი სპეციალისტი ლერი ქაჯაია.

4.3. ამ მუხლის მეორე პუნქტით გათვალისწინებული პირების ფუნქციაა საქონლის მიწოდების ვადების, მიწოდებული საქონლის რაოდენობის, ტექნიკური მახასიათებლებისა და ხარისხის, ხელშეკრულების მოთხოვნებთან შესაბამისობის დადგენა.

4.4. მიმწოდებელი ვალდებულია საკუთარი ხარჯებით უზრუნველყოს კონტროლის შედეგად გამოვლენილი ყველა ხარვეზის ან ნაკლის აღმოფხვრა, ან/და წუნდებული საქონლის შეცვლა.

მუხლი 5. ანგარიშსწორება

5.1. მიმწოდებელთან ანგარიშსწორება შემსყიდველის მიერ განხორციელდება, უნაღდო ანგარიშსწორების ფორმით, ეროვნულ ვალუტაში;

5.2. მიმწოდებელთან ანგარიშსწორება იწარმოებს მიწოდებული საქონლის მიღება-ჩაბარების აქტის, სასაქონლო ზედნადებისა და შესაბამისი ანგარიშ-ფაქტურის (ასეთის არსებობის შემთხვევაში) საფუძველზე;

5.3. მიმწოდებელთან ანგარიშსწორება განხორციელდება მიღება-ჩაბარების აქტის გაფორმებიდან და შესაბამისი ანგარიშ-ფაქტურის (ასეთის არსებობის შემთხვევაში) წარმოდგენიდან 10 (ათი) სამუშაო დღის განმავლობაში.

5.4. ხელშეკრულებით გათვალისწინებული ანგარიშსწორება განხორციელდება 2019 წლის შპს „ბათუმის წყალი“-ს კუთვნილი სახსრებით.

მუხლი 6. მხარეთა უფლება-მოვალეობები

6.1. შემსყიდველს უფლება აქვს:

ა) შეამოწმოს მიწოდებული საქონლის მახასიათებლების შესაბამისობა ხელშეკრულებით გათვალისწინებულ პირობებთან;

ბ) რაიმე ნაკლის აღმოჩენის შემთხვევაში, აცნობოს და მოსთხოვოს მიმწოდებელს ნაკლის დაუყოვნებრივ გამოსწორება;

გ) მოითხოვოს მიმწოდებლისაგან ხელშეკრულების ჯეროვანი, დროული და კეთილსინდისიერი შესრულება;

6.2. შემსყიდველი ვალდებულია უზრუნველყოს მიმწოდებელთან ანგარიშსწორება ხელშეკრულებით გათვალისწინებული პირობების შესაბამისად;

6.3. მიმწოდებელს უფლება აქვს მოსთხოვოს შემსყიდველს მიწოდებული საქონლის ღირებულების ანაზღაურება ხელშეკრულებით გათვალისწინებული პირობების შესაბამისად;

6.4. მიმწოდებელი ვალდებულია:

- ა) უზრუნველყოს ხელშეკრულების პირობების შესრულება;
- ბ) იმ შემთხვევაში თუ მიწოდებული საქონელი არ შეესაბამება ხელშეკრულების პირობებს, საკუთარი სახსრებით აღმოფხვრას არმოჩენილი ხარვეზი ან განახორციელოს წუნდებული საქონლის შეცვლა შემსყიდველის მხრიდან რაიმე დამატებითი დანახარჯის გაწევის გარეშე.

მუხლი 7. ხელშეკრულებაში ცვლილების შეტანა და შეწყვეტა

- 7.1. ხელშეკრულებაში ნებისმიერი ცვლილების ან დამატების შეტანა შესაძლებელია მხარეთა შეთანხმების საფუძველზე, ორივე მხარის მიერ ხელმოწერილი წერილობითი ფორმით;
- 7.2. ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით;
- 7.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.
- 7.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის, ან ნაწილობრივ, ან არაჯეროვნად შესრულების შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.
- 7.5. მხარე ვალდებულია 7.4. პუნქტით გათვალისწინებული გადაწყვეტილების მიღების განზრახვის შესახებ, არანაკლებ 5 (ხუთი) კალენდარული დღით ადრე, ხელშეკრულებაში მითითებულ მისამართზე, წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს;
- 7.6. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

მუხლი 8. მხარეთა პასუხისმგებლობა

- 8.1. მხარეები კისრულობენ ვალდებულებას აუნაზღაურონ მეორე მხარეს მათ მიერ წინამდებარე ხელშეკრულების პირობების შეუსრულებლობისათვის ან არაჯეროვნად შესრულების შედეგად მიყენებული ზიანი, მოქმედი კანონმდებლობით განსაზღვრული წესით;
- 8.2. ხელშეკრულების ნაკისრი ვალდებულების შესრულების ვადის გადაცილების შემთხვევაში, მხარეს დაეკისრება პირგასამტეხლო ყოველ ვადაგადაცილებულ დღეზე შესასრულებელი ვალდებულების შესაბამისი ღირებულების 0.02%-ის ოდენობით.
- 8.3. შემსყიდველი უფლებამოსილია ანგარიშსწორებისას მიმწოდებელს გამოუქვითოს პირგასამტეხლოს სახით მასზე დარიცხული თანხა.

8.4. პირგასამტეხლოს გადახდა არ ანთავისუფლებს მხარეებს ძირითადი ვალდებულებების შესრულებისაგან.

8.5. ხელშეკრულებით ნაკისრი ვალდებულებების შეუსრულებლობის, ან ნაწილობრივ, ან არაჯეროვნად შესრულებისათვის ხელშეკრულების შეწყვეტის ან/და ხელშეკრულების მოქმედების ვადის ამოწურვის შემთხვევაში, მხარეს დაეკისრება ჯარიმა ხელშეკრულების საერთო ღირებულების 5 %-ის ოდენობით.

მუხლი 9. დაუძლეველი ძალა

9.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია აუცდენელი დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია დაუყონებლივ, მაგრამ არაუგვიანეს მომდევნო სამუშაო დღისა აცნობოს მეორე მხარეს ნაკისრი ვალდებულებების შესრულების შეუძლებლობის შესახებ. წინააღმდეგ შემთხვევაში, შესაბამისი მხარე არ თავისუფლდება ნაკისრი ვალდებულების შესრულებისაგან;

9.2. მხარეთა პასუხისმგებლობა და ვალდებულებები განახლდება ფორს-მაჟორული გარემოებების დასრულებისთანავე.

მუხლი 10. სადავო საკითხების გადაწყვეტა

10.1. ხელშეკრულების შესრულებისას მხარეთა შორის წამოჭრილი დავები შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე;

10.2. თუ მხარეები მოლაპარაკების დაწყებიდან 10 (ათი) კალენდარული დღის განმავლობაში ვერ მიაღწევენ შეთანხმებას, მხარეებს უფლება აქვთ მიმართონ სასამართლოს საქართველოს მოქმედი კანონმდებლობის შესაბამისად.

მუხლი 11. შეტყობინება

11.1. ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილობით ან კომუნიკაციის ელექტრონული საშუალების (ელექტრონული ფოსტის) საშუალებით, ხელშეკრულებაში მითითებული მეორე მხარის მისამართზე.

მუხლი 12. ხელშეკრულების მოქმედების ვადა

12.1. წინამდებარე ხელშეკრულება ძალაში შედის მხარეთა მიერ მისი ხელმოწერის დღიდან და მოქმედებს 2019 წლის 31 დეკემბრის ჩათვლით პერიოდის განმავლობაში.

მუხლი 13. მხარეთა რეკვიზიტები

„შემსყიდველი“

შპს „ბათუმის წყალი“
მის: ქ. ბათუმი, თაბუკაშვილის ქ. #19
ს. კ. 245556679
ს.ს. „ლიბერთი ბანკი“
ბანკის კოდი: LBRTGE22
ა/ა GE53LB0113127202632008
ტელ: 577982772; 595009084
ელ. მის: info@bats.ge
გენერალური დირექტორი:
მარინე გვიანაძე

„მიმწოდებელი“

შპს „კვარი-2015“
მის: ქ. ბათუმი,
იოანე ლაზის პირველი შესახვევი #33
ს. კ. 445540905
ს.ს. „ტერა ბანკი“
ბანკის კოდი: TEBAGE22
ა/ა GE48KS0000000360206058
ტელ: 577435344; 555464473
ელ. მის: vgTamaz@gmail.com
დირექტორი:
თამაზ მოფინაძე

მიმწოდებელი საქონლის ჩამონათვალი და ფასების ცხრილი

№	საქონლის დასახელება და ტექნიკური მახასიათებლები	წარმოშობის ქვეყანა, მწარმოებელი	რაოდენობა	ერთეულის ღირებულება დღგ-ის ჩათვლით (ლარი)	ჯამური ღირებულება დღგ-ის ჩათვლით (ლარი)
1	საღებავი; *ღია ფერის (შემსყიდველთან შეთანხმებით); *ჯანმრთელობისთვის უსაფრთხო, არ შედის რეაქციაში წყალთან; *საღებავი წარმოადგენს ორკომპონენტურ ეპოქსიდურ საფარს, რომელიც არ შეიცავს გამხსნელს; *განკუთვნილი როგორც მეტალის, ასევე ბეტონის ზედაპირის შესაღებად; *დაფასოება: არაუმეტეს 25 ლიტრიანი ქილა	რუსეთის ფედერაცია, Streamline chemicals ЭП-2346	600 ლიტრი	27,1046	16262,76
	საერთო ღირებულება დღგ-ის ჩათვლით			16262,76 ლარი	

მიმწოდებელი საქონლის მიწოდებისას წარმოადგენს საქონლის ტექნიკური მახასიათებლების დამადასტურებელ, შესაბამის სერტიფიკატს/ებს; დოკუმენტების უცხოურ ენაზე წარდგენის შემთხვევაში, სერტიფიკატებს დაერთობა ნოტარიულად დამოწმებული ქართული თარგმანი